


www.BibleForChildren.org

Mateus 26



Hari. Oniaroa, 6
mahi ipohini
Páscoa kaihnikani
amonahani viahania
okha'ianaha ada Jesus
Betânia ibavia. Betânia ibaviki
ada Lázaro. Hi'ada Lázaro
Jesua bianahoki'iki ada.
Hari. Vi'baina kaba'i Maria
bianikhami'ihini ida misai bavini
ji'biniki. Litro-ra dava ni'aki ida.




Ni-pa'itxirihi ida misai. Amonahaki ida misai naado 'damani abohani basinania. Kaidivani arafiaki ida naado basinani mitxaki. Hari. Maria binabiini' ihi ida naado, Jesu-ra namaakari' ihi, biakamisai' ihi ida Jesus 'dama kaidani. Karaho ida misai biahoariki. Ka' da' dini kaafani vania bikanajoha' ia ida. Misaia binamitxahahavi' ihi ida gora bodini.



Hari. 12 vihiki adani Jesus ipohina. Hoarana Judas
Iscariotes oniki. Oniaroa, sasidotxi vavaka'da'diva
vakadiania okha'aha ada Judas.

Va'ora ni'aha: —Jesu-ra
oarakhavini-ra avanofihi;
oarakhaha avakadiania.




Oniaroa, Judas kavarani-ra mitha vani'aha, khai vakhani'aha, vani'aha: —Jiniroa ira ano'aki bana hari, Jesu-ra iarakhavini-ra anaabosija kaimoni — vani'aha. Hari.

Ajihi'aha ada Judas, abono-ra ni'aha: —Niha oni'a'aki koda hada Jesus oarakhavini vakadiania — abono-ra ni'aha ada Judas.



Hari. Ai vihi'aha adani Jesus
ipohina, vakaraga'ihī ida makhira
ibavi Jesua bini'a'iki.


Vanamonaha'iki ida ihinika ko'baini
kaimoni. Hari. Vi'baina kaba'i Jesua
bikanabiini'ihī ida pão, Deu-ra
ni'a'aha: —Deus, ivani ijahaki i. Pãoa
haria ino'aki i — ni'aha. Vara nina
naothinia, bikanapitahatahahi,
kidipohi-ra va'ora
no'avini kihi'ihī,
va'ora ni'aha:
—Vaagathani'a
hida pão mahija
avakahahahavivini.



Oimana hida pão. Vakahavini
naothinia, copo maina-ra nabiiniha.
Deu-ra vara ni'a'ianaha: —Deus,
ivani ijahaki i. Vinho haria ino'aki i.
Vinho kacoponi maina va'ora
no'a'aha. Va'ora ni'a'aha:
—Vi'avihahavi. Hihida vinho
oamana hida. Oabinina kamahini
oamana ahovariki bana.



Oabono ova' ahaki ho oabinina,
ija' ari vaipohiki-ra va' ora
oakava' ijoaja kaimoni. Oamana-ra
anahovariki bana vakadihojai
asohiriki 'birani abosini kaimoni.
Oamana ahovarini mani ida Deu-ra
vakajari' daravini va' ora kapoarivini
hija, kidija' ari vihira kaimoni, oniani
ida kidiania va' ora arakhaja
bana. Nimaniamania ida
Deus
kava' iponahi
a' bo' daki ja' dini.



Hari. Jesua bini'aha ada Simão Pedro: — Simão,
Simão, mitha nijahaki'a bana. Jaharia binofiki ida
a'onira kaijo'avini. Kodiabi'ia biva'ahaki bana ada.
Makhira biaka'diririhi ida trigo 'ba'dani aniaja
kaimoni ida ba'ba'da asafini. Onivani fori hira bana
ada Jahari a'onira kaijo'avini.



Simão, Deu-ra vara oni'a'iki ho ira kakodiara kaimoni
hora ivakaijokaha'oadahaja kaimoni. Kodiania
ijoiribanini kamahini, vara va'ora ni'a bana adani
iigamini mahija khai hora vani'a'ianavini. Oniaroa,
Pedroa bigathanihi ida Jesus athi: —Ira vagathiki
vahabini bana adani vahoariha, cadeia ira avibaiki
vahabini bana adani,
ira vanaabiniki
vahabini bana
adani jaboni.



Onofiki ida kadania ohojana cadeia, onofiki ida oabinina kadania jaboni. Jesua bini'aha: —Ira onava'isohijoravini hiki hida joma arakava ahiana viahania, ahoarabakosikia hora iogaravini-ra ikahiki bana i.



Hari. Ai vihi'ianaha adani
Jesus, Getsêmani ibavi
maakariki-ra
avanikhahavini.
Avakhanoha, ipohina-ra
va'ora ni'aha: —Onia
vavithima'o, okhananavaki
ho Deu-ra vara oni'aki ho.
Okhananavapa'itxiha,
aasiama'oha, Deu-ra vara
ni'a'aha: —Kodiabi'i,
okava'isokonihini ida ija'ari
hahavi vakadihojai asohirini
abosini-ra ogathanivini.




Nahina hahavi-ra
ikaabokahi. Hora
vanaima'banavini
inofirihi; hora
iva'adivini-ra ikaabokaki
i. Hora vanaima'banavini
inofihi; onofiki jaboni.
Nahina-ra inofihi; onofiki
jaboni — Deu-ra ni'aha
ada Jesus.



Hari. Judas Iscariotes va'ora avikha'aha adani
sorara kidiania ihi'ai avani amokhinini kania. Judeus
kaija'ari vihiriha adani sorara Pilatos va'ora
karona'iki. Judas Iscariotes va'ora avikhaha
adani jaboni Deu-ra khai vani'avini
kagorani avakadava'ava abono.
Sasidotxi vavaka'da'diva,
farisio khama va'ora
vakaronaki adani gora
avakadava'ava abono Judas
Iscariote-ra vavaipohihavini.



Vakasa'aiki adani Juda-ra vavaipohiha'iki,
vakalamparinaki adani vahoariha, vahoariha
avavikhaki ida nahina ha'diki ajava fori hiki. —Jesus,
inofimanija koda ida akadisa'ai-ra adionivini,
va'ora adara kaimoni? Oniaroa, Jesus
ipohina hoarana bidioni'iki ida
tarasara fori hiki, binoba'aha
ada sasidotxi vaka'da'diva
kahonai abono,
biava'boarabakosi'ihhi ida
morobo aniaja. Jesus va'ora
kaabani'aha: —Hari'a bana
va'ora vida! Oniaroa,
bikadasa'ihhi ida makhira
morobo, aihota'ihhi.



Hari. Oniaroa, vagathi'aha ada Jesus, avisa'aha
sasidotxi vakadika'da'di gorana. Napaja kasiaga'aha
ada Pedro. Gora kavasiribanini kaathania o'oi'aha.

Asia gora baninija hojaki
ada. Vahoariha
avakanaha'di'ihida siho,
vakadiragi ibavini kaimoni.
Okhami'aha ada Pedro
vahoariha
vahararana,
vithi'aha siho
ka'dihania.



Oniaroa, honai abono
hoariha Pedro-ra
nana' dohivini hiki Jesus
ipohina hina. Honai
abono Pedroa morobo
biava' boarabakosiki
kaija' ari ada Pedro-ra
nana' dohira: —Ira onokiria
koda ihi' ai avani amokhinini
kania kidiania? Pedroa
bini' a' ianaha: —Iniani. Ni-hora
inokirihi — ni' ianaha. Oniaroa, jorakia
ahia' aha ada arakava. Jesus athi-ra
kava' ihokiha, ajihi' aha ada
Pedro, asara' ahapiki' aha.



Hari. Oniaroa, vigaa'aha adani judeus
kaija'ari vanasohiva abono hahavi,
Jesu-ra avisa'aha Pilatos kania.
Oniaroa, Pilatoa binana'dohi'aha ada
Jesus: —Ivani, judeus kaija'ari
vakadika'da'di mani i?
Jesua bigathanihi ida
kidina'dohi: —Ivani, judeus
kaija'ari vakadika'da'di
ohina-ra ikahiki i.




Hari. Pilatoa binofiki ida Jesu-ra
arakhavini ajihira kaimoni, oniania,
va'ora vara ni'a'ianaha adani ija'ari
vaipohiki. Vabodi'bara'ianaha:


—Ivahonariahi'a
aka'itapoamisahanana
o Jesus ava
akasanakhamakia,
abinira kaimoni —
Pilato-ra vani'aha.




Oniaroa, Pilatoa biarakha'aha
ada Jesus sorara vakadiania.
Vagathaniha, avavikha'aha.
Hari. Oniaroa, sidajia
avavikhaonani'aha. Jesua
biakaiba'i'ihini ida ava
akasanakhamaki, avakhano'aha
ka'da'di kajaroni kaibavinia
ibavi onikia. Ibavi onini hebreu
athini "Gólgota".



Avakhano'aha,
Jesu-ra
avaka'itapoamisahana'aha
ava akasanakhamakia,
varagaamanani'ihidaava. Va'ora
avaka'itapoamisahana'aha
adani makhira vi'bamiki jaboni.
Hoarana Jesus pitana ka'anijania,
hoariha Jesus pitana kajasonija.



Oniaroa, 'bira' ihi ida makari katokihi judeus kaija' ari
Deu-ra khai vani' avini kagorani ka' oahafianihiki.
Khiorarini akapitakhama' ihi. Oniaroa, bodi' bara' aha
ada Jesus: —Kodiabi'i,
isa' ani kabodinia oarakhaki
bana hida oma' onahana.
Bodi' barana naothinia
abini' aha ada Jesus.



Hari. Avakoirina kamahini viahani vani
abini'ara ada Jesus. Ihinika
ko'baini amonahani kamahini
vani abini'ara ada. Jesus
abini'ina-ra oga'aha ada
José de Arimatéia.
Ija'ari nava'isohiva
abono ada José de
Arimatéia.

Jahana vani vakahiha
ada José. Joséa
binokha'iki ida mahi
Deus ija'ari hahavi-ra
va'ora vaka'da'divini.



Hari. Pilatos kania okha'aha,
Pilato-ra finivini kaba'i
bini'aha: —Pilatos, iva'aha
bana ida Jesus aba'ona-ra
oanivini ava
akasanakhamaki
kania, oka'damahaja
kaimoni?

Oniaroa, Joséa
bikapavakarihi ida
makari vaforiki
jahaki.



Ava akasanakhamaki kania biavikha' ihi.
Bianikha' ihi ida Jesus aba' ona,
bikarafoa' ihi makaria.
Ka' damahi ibavinia
biavikha' ihi. Ja' di
hodijama' oki bodinia
biobaiha' ihi ida
Jesus aba' ona.
Vakadihojai hiki.

Hari. Jesus aba' ona-ra
obaivini naothinia,
vaka' oaha' ihi ida ja' di
hodini kaathani, ja' di
karahoa. Ajihi' aha
ada José.



Hari. Ka'afokajomani vani
vajoroni'ianaha adani
sasidotxi vaka'da'diva,
farisio vihiki khama
Pilatos kania.
Vakadi'akoiri
kamahini hini kaba'i
vani vajoroniki
adani.



Hari. Vani'a'aha ada Pilatos:

—Pilatos, akava'ihokiki ida Jesus

kohana abinirina oadani
haria ni'avini hi'iki athi:

"Radaha'ihiki ida mahi
ahoarabakosiki
oahokiki bana ho."

Nimania ida
korijanahi abono
athi.



Ai vihi'aha adani sasidotxi
vavaka'da'diva. Ka'damahi
kania avikha'aha,
avanathana'ihī ida ja'di
katapani karaho
namanija, avigaja
kaimoni ida ija'ari
avi'oirina ja'di
kahodihi bodinia.



Vanaibavivini naothinia va'ora
vanahojaha adani sorara
aba'oi ka'damahani
ibavini-ra
avakadava'avini.




Hari. Avakoirina kamahini naothinia,
domingo vani, mahi avagani
kama'dani avikha'ianaha adani
Maria Magdalena, Maria
hoariha khama aba'oi
ka'damahani kania
vavanavanaha'aha.

Hari. Jorakia
ho'doho'dodanoki'ih
ida arabo. Deus
ibavi kaija'arini
gaari'aha nama.



Jesus ka' damahana kania
akhanorari'aha. Biani' ihi ida ja' di,
ja' di hodi jama' oki
ka' oahajanaria kaimoni.
Bianivini naothinia,
vithi' aha ja' di
namania. 'Dama kania
vahojaki jaboni
adani sorara.


Vaimahidakaraho'aha,
oniani ida va' ora
nathararaja
varai' a' ina,
vaabiniki fori
vihiki adani.



Oniaroa, 'dama kania avakhano'aha
adani gamo. Gamo-ra va'ora ni'aha
ada Deus ibavi kaija'arini:
—Hari'a vaimahida!




Oogaki ida Jesus ava
Akasanakhamakia
aka'itapoamisahanaki-ra
avanako'dihavini. Ni-hida
hojajanariha ada. Ada
ahoki'aha. Nimaniamia
ida abinina viahaniamia
a'onira
nava'isohijoravini
hi'iki.



Vada vani'ajakosi
hida aba'ona hojani
ibavini — va'ora
ni'aha.




Hari. Ka'damahi ibavinia jorakia
va'ajihi'aha adani gamo.
Vaimahidakarahona kaba'i khai
vakhanikaraho'aha jaboni.
Vaki'darahaha'aha Jesus
ipohina vakadiania va'ora
vananamithavini hija kaimoni I
da vanoki'iki, vakamitha'iki
hiki.



Oniaroa, jorakia gamo vakadiania
abono-ra nanokiaha ada Jesus.
Bini'aha: —Deus a'onira no'aki
a'oni va'i jahajahania! Jesu-ra
vanamaakari'aha, 'dama
vakajara'ba'ba'aha, Jesu-ra
vakanamasivi'aha.






Hari. Oniaroa, kidipohi 11 vihiki vakadiania abono-ra nanokia'aha ada Jesus. Vako'baikosoana kaba'i abono-ra nanokiaha. Jesus va'ora kaabanivini hiki ida ahokina kavaranihi vakajari'davini. Va'ora ni'aha: —Jahari'oamanija ida avakadijari'di. Hora vanokiha adani vahoariha. A'onira vananamitha'iki jaboni ida oahokina, kaba'i avakajari'dahi — va'ora ni'aha ada Jesus. Hari. Jesus kavarani anokhomini naothinia, Deua bigathani'aha ada Jesus. Deus pitana ka'aniajania vithi'aha, ka'da'di hi'ina.



Deus va'ora nakaidivavini arafiaki
adani ija'ari hahavi, oniani ida
kidisai-ra karonavini hija
vakadiania. Hoarana
ada Deus kaisai.



54




60



Ija'ari Deus kaisai kania abononi
gahinai nihahi; mahi ja' dini
anokhomiriki-ra vahojahi Deus
kania. Ni-Deus kahagihi-ra
anakamadaki ida ija'ari, ni-Ibavi
Jaharika'oakia
okhaki.



54



60



Romanos 3:23

Ija'ari Jesus Cristo-ra vakaijokavini mani ida Deua kidimahi sohika'oani bikahivini hija, oniani ida bikapoarivini hija. Deua binasohika'oaki ida Cristo-ra vakaijokaki kamahi hahavi. Nimana ida ija'ari hahavi-ra va'ora nahojavini. Ija'ari hahavi, judeus kaija'ari vihiriki, judeus kaija'ari vihiki, hahavia bada vani'aki ida hojai Deua bivajahariki. Ija'ari hahavia varagariki ida Deus jahana, danona, vagana-ra vavahojavini.

Romanos 6:23

Abosiki bana ida hojai asohiriki. Hojai Deua bivajahariki abosini ida ija'ari abinini kamahini Ibavi Jaharika'oakia okhani. Ni-abosiki ida Deus haria kajoamoravini. Deua bino'a'iki ida ija'ari bikajoamora'iki kidimahi jahaki, ja'dini, anokhomirikia. Akadika'da'di Jesus Cristo kania akaramisiki ida ija'ari.



Hebreus 9:27

Ija'ari hahavi hoarani ja abiniki hida arabo. Abinini naothinia Deua binava'isohinanaki ida ija'ari hana hini sohika'oaki viaha, ija'ari hana hini hojai asohiriki abosini-ra gathaniki kaimoni.

Eféios 2:8,9

Deua binofiki ida a'onira va'adivini, oniani ida a'onira akava'ijoavini hija. Deu-ra avavakaijoka'avini mani ida a'onira akava'ijoavini hija. Ni-avakadibadani jahaki abosini hirihi hida a'onira akava'ijoavini. Deus oavani a'onira akava'ijoa'ia. Avakadibadani jahaki abosini hirihi ida a'onira akava'ijoavini Deus ibavia avarikhaja kaimoni. Ni-asohiki ida ija'ari abononi vaboraborahavini kavaranihia abononi akava'ijoavini.



Romanos 10:9,10

Iva'ini bodinia ikajari' darihi ida Deus Jesu-ra anahokivini abini'ina naothinia; vahoariha vaviaha vara ivani'ahi jaboni: —Kodika'da'di ada Jesus — inihi, Deus ira akava'ijoahi. Ava'i bodinia Deu-ra avakaijokahi; binasohika'oahi ida akadimahi; haria kapoariha. Vahoariha vaviaha ajari'darina-ra vara avani'ahi; Deus haria akava'ijoahi.

João 3:16,17

Deus va'ora nakaidivavini arafiaki adani ija'ari hahavi, oniani ida kidisai-ra karonavini hija vakadiania. Hoarana ada Deus kaisai. Ija'ari Deus kaisai kania abononi gahinai nihahi; mahi ja'dini anokhomiriki-ra vahojahi Deus kania. Ni-Deus kahagihi-ra anakamadaki ida ija'ari, ni-Ibavi Jaharika'oakia okhaki. Deua bikaronaki ada kidisai ija'ari hahavi-ra akava'ijoara kaimoni. Vakadihojai asohiriki abosini-ra vagathanivini kaimoni hirihi ida kidisai-ra karonavini hija.



1 João 5:11-13

Nimania hida Deus athi haria nava'isohivini hi'iki: Deus haria no'avini hi'iki ida mahi ja'dini anokhomiriki kidiania. Deus kaisaia binakama'da'iki ida ija'ari kamahi ja'dini anokhomiriki. Ija'aria bivahojaha ada Deus kaisai, kidi'aihotahi abono hina, bivahojahi jaboni ida mahi ja'dini anokhomiriki. Ija'aria bivahojariha ada Deus kaisai, kidi'aihotahi abono hina; ni-bivahojaki jaboni ida mahi ja'dini anokhomiriki. Hari. Deus kaisai-ra avakajari'dariki, avakadimoni hida oathi onajiriki, avarigaja kaimoni ida avakadimahi ja'dini anokhomiriki-ra avavahoja'avini, oniani ida Deu-ra avanamaakarivini-ra avifiniravini hija, vara avani'ara kaimoni. Deu-ra akanikhariavini hihi ida nahina haria no'avini hini binofiki; aogajahakihi ida akadikanikhari-ra kamitha'avini.



Mateus 26-28; Lucas 22-24; João 13-21

Storyline by: Edward D. Hughes

Illustrated by: Janie Forest

Adapted by: Lyn Doerksen

Paumari NT (pad) © 2010, Wycliffe Bible Translators,
Inc. All rights reserved.

<https://live.bible.is/bible/PADWBT/MAT/1>

©2026 Bible for Children, Inc.

www.M1914.org

www.bibleforchildren.org

